



Komisija za izbor, imenovanja i finansijsko - administrativna pitanja

Broj: 02/3-49-2-220-3/2021
Bihać, 02.06.2021.godine

SKUPŠTINA UNSKO – SANSKOG KANTONA

PREDMET: Rang lista kandidata za izbor predsjedavajućeg i članova Odbora za žalbe javnosti, dostavlja se,-

U skladu sa članom 12. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, br. 12/03, 34/03 i 65/13), članom 5. Pravilnika o uvjetima za imenovanje i razrješenje članova Odbora za žalbe javnosti („Službeni glasnik Unsko – sanskog kantona broj: 01/17) i članom 8. Poslovnika o postupku izbora kandidata za članove Odbora za žalbe javnosti, broj: 02/3-49-1-155-2/21 od 15.04.2021.godine, Komisija za izbor, imenovanja i finansijsko - administrativna pitanja dostavlja Rang listu kandidata za izbor predsjedavajućeg i članova Odbora za žalbe javnosti.

O b r a z l o ž e n j e

Komisija za izbor, imenovanja i finansijsko - administrativna pitanja je po zaprimljenoj Listi kandidata koji ispunjavaju sve uvjete Javnog konkursa za predsjedavajućeg i članove Odbora za žalbe javnosti, dostavljene od strane Komisije Ministarstva unutrašnjih poslova Unsko – sanskog kantona, donijela Poslovnik o postupku izbora kandidata za članove Odbora za žalbe javnosti, provela intervju i sastavila rang listu uspješnih kandidata za izbor člana i predsjedavajućeg Odbora za žalbe javnosti.

U skladu sa članom 5. stav (6) Pravilnika o uvjetima za imenovanje i razrješenje članova Odbora za žalbe javnosti, te u skladu sa članom 5. stav (6) i članom 8. Poslovnika o postupku izbora kandidata za članove Odbora za žalbe javnosti, Komisija je utvrdila listu uspješnih kandidata koji su rangirani počevši od kandidata sa najviše ostvarenim bodovima, te se ista dostavlja Skupštini kantona na dalje razmatranje, a radi konačnog imenovanja.

Dostavljeno:
1. Naslovu
2. u spis



Predsjedavajući Komisije
Agan Bunić



Komisija za izbor, imenovanja i finansijsko - administrativna pitanja

U skladu sa članom 12. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, br. 12/03, 34/03 i 65/13), člana 67. Zakona o unutrašnjim poslovima Unsko – sasnog kantona („Službeni glasnik Unsko – sanskog kantona br. 13/16 i 16/17) članom 5. Pravilnika o uvjetima za imenovanje i razrješenje članova Odbora za žalbe javnosti („Službeni glasnik Unsko – sanskog kantona broj: 01/17), Komisija za izbor, imenovanja i finansijsko - administrativna pitanja na 25.sjednici održanoj dana 18.05.2021.godine provela je postupak i utvrdila sljedeću

**RANG LISTU KANDIDATA ZA ČLANOVE
ODBORA ZA ŽALBE JAVNOSTI SA PRIJEDLOGOM ODLUKE**

Red. broj	Prezime i ime kandidata	Kandidat za	Ostvareni bodovi	Predstavnik iz reda
1.	Kulenović Elvira	predsjedavajuću	230	građana
2.	Samardžić Said	člana	221	građana
3.	Alagić Munira	člana	243	državnih službenika

1. KANDIDAT

Elvira Kulenović, je jedina kandidatkinja koja se prijavila za predsjednicu odbora, imenovana je pokazala da je izuzatno upoznata sa nadležnostima odbora, da je ovu funkciju obavljala i u ranijem sazivu odbora, odgovarala je tačno i tačno na postavljena pitanja, te je upoznala članove Komisije sa problemima sa kojima se odbor susreće u svom radu.

2. KANDIDAT

Said Samardžić, je jedini kandidat koji se prijavio iz reda građana za člana odbora, imenovani je na postavljena pitanja Komisije odgovarao tačno i precizno, zatim je jasno istakao da je u cjelosti upoznat sa nadležnostima odbora, kao i poslovima koji se očekuju od članova odbora.

3. KANDIDAT

Munira Alagić, je jedan od 4 kandidata koja se prijavila za člana Odbora iz reda državnih službenika kantonalnih organa uprave, imenovana je u odnosu na ostala 3 kandidata pokazala izuzetnu stručnost i znanje iz nadležnosti odbora, kao i zastupanju i predstavljanju građana kada su u pitanju ostvarivanje i zaštita njihovih prava. Pored izuzetnog znanja imanovana je također naglasila da je mr.pravnih nauka i da ima položen pravosudni ispit, te da može objektivno i nepristrasno obavljati poslove iz nadležnosti odbora obzirom da nema rodbinskih niti drugih povezanih veza sa uposlenicima ministarstva i uprave policije posebno ako se uzme u obzir da odbor zaprima žalbe na rad i ponašanje policijskih službenika Uprave policije, kao i državnih službenika i namještenika Ministarstva unutrašnjih poslova. Komisija je također razmotrila i činjenicu objektivnosti i nepristrasnosti Alagić Munire u odnosu na tri prijavljena kandidata obzirom da su isti uposlenici Ministarstva unutrašnjih poslova.

O b r a z l o ž e n j e

Ministarstvo unutrašnjih poslova Unsko – sanskog kantona raspisalo je Javni konkurs za imenovanje Odbora za žalbe javnosti, dana, 08.12.2020.godine, te isti ponovo raspisalo u mjesecu februaru 2021.godine. Oba konkursa su objavljena na web stranici Ministarstva unutrašnjih poslova, web stranici Skupštine USK i u dnevnim novinama „Oslobođenje“. Ministarstvo je po osnovu objavljenih konkursa utvrdilo listu kandidata koji ispunjavaju

uvjete tražene javnim konkursom, koju je u skladu sa članom 5. stav (5) Pravilnika o uvjetima za imenovanje i razrješenje članova Odbora za žalbe javnosti dostavilo Komisiji za izbor, imenovanja i finansijsko - administrativna pitanja (u daljnjem tekstu: Komisija za izbor).

Nakon zaprimljene liste kandidata koji ispunavaju uvjete tražene javnim konkursom Komisija je utvrdila da Odbor za žalbe javnosti čine:

- 2 člana iz reda građana i
- 1 član iz reda državnih službenika kanonalnih organa uprave.

Shodno navedenom utvrđeno je da se za:

- predsjedavajućeg Odbora prijavio 1. kandidat iz reda građana i to: Kulenović Elvira,
- za člana iz reda građana također se prijavio 1 kandidat i to: Said Samardžić,
- dok su se za člana iz reda državnih službenika kanonalnih organa uprave prijavila 4. kandidata i to: Šarić Šejla, Harbaš Nađa, Mulalić Said i Alagić Munira.

Na 22. sjednici, održanoj dana 15.04.2021.godine, Komisija za izbor je usvojila Poslovnik o postupku izbora kandidata za članove Odbora za žalbe javnosti, broj: 02/3-49-1-155-2/2 od 15.04.2021.godine (u daljnjem tekstu: Poslovnik), utvrdila vrijeme i mjesto održavanja usmenog ispita/intervjua, te u skladu s tim pozvala kandidate na usmeni ispit/intervju.

Na 25.sjednici održanoj dana 18.05.2021.godine, Komisija za izbor se sastala dva sata prije održavanja ispita, te u skladu sa odredbama člana 4. Poslovnika osmislila i sastavila pitanja na način da je svaki član komisije utvrdio po dva pitanja, što je ukopno iznosilo 10 pitanja. Pitanja su se odnosila na nadležnosti odbora, zatim zastupanja prava građana i vođenja postupka po izjavljenim žalbama na rad i ponašanje policijskih službeika, obaveze odbora u odnosu na skupštinu, provjeru znanja u odnosu na članstvo u odboru, dodatna pitanja o kretanju karijere, razlozima prijavljivanja i dr.

Utvrđena pitanja članova Komisije za izbor su prekucana na Obrazac br. 1 i Obrazac br. 2, a koji obrasci su utvrđeni u Poslovniku i koji su sastavni dio zapisnika koji je dostupan u prostorijama Službe Skupštine Unsko – saskog kantona.

Svaki član komisije koristio je svoje diskreciono pravo i na Obrascu br. 1 bodovao odgovore ocjenom od 1 do 5. Na osnovu pojedinačnog bodovanja na Obrascu br. 1 izvršeno je zbirno bodovanje na Obrascu br. 2, nakon čega su svi članovi izvršili provjeru unesenih podataka i potpisali obrazac. Nakon potpisanih obrazaca pristupilo se pojedinačnom bodovanju kandidata po osnovu zbirnih obrazaca broj 2, nakon čega je napravljena rang lista kandidata i prijedlog Odluke o imenovanju članova Odbora za žalbe javnosti.

Nakon pojedinačnog ocjenjivanja kandidata Šarić Šejle, na Obrascu br. 1 utvrđeno je da je imenovana dobila sljedeće bodove: 35, 41, 45, 35, 38. Zbirno bodovanje izvršeno je na Obrascu br. 2 po osnovu kojeg je utvrđeno da imenovana ima 194 boda.

(Obrazac br. 1 i Obrazac br. 2 su sastavni djelovi zapisnika 25. sjednice Komisije.)

Nakon pojedinačnog ocjenjivanja kandidata Harbaš Nađe, na Obrascu br. 1 utvrđeno je da je imenovana dobila sljedeće bodove: 34, 37, 45, 32, 32. Zbirno bodovanje izvršeno je na Obrascu br. 2 po osnovu kojeg je utvrđeno da imenovana ima 180 bodova.

(Obrazac br. 1 i Obrazac br. 2 su sastavni djelovi zapisnika 25. sjednice Komisije.)

Nakon pojedinačnog ocjenjivanja kandidata Alagić Munire, na Obrascu br. 1 utvrđeno je da je imenovana dobila sljedeće bodove: 48, 46, 50, 49, 50. Zbirno bodovanje izvršeno je na Obrascu br. 2 po osnovu kojeg je utvrđeno da imenovana ima 243 boda.

(Obrazac br. 1 i Obrazac br. 2 su sastavni djelovi zapisnika 25. sjednice Komisije.)

Nakon pojedinačnog ocjenjivanja kandidata Kulenović Elvire, na Obrascu br. 1 utvrđeno je da je imenovana dobila sljedeće bodove: 47, 46, 46, 46, 45.

Zbirno bodovanje izvršno je na Obrascu br. 2 po osnovu kojeg je utvrđeno da imenovana ima 230 bodova.

(Obrazac br. 1 i Obrazac br. 2 su sastavni djelovi zapisnika 25. sjednice Komisije.)

Nakon pojedinačnog ocjenjivanja kandidata Samardžić Saida, na Obrascu br. 1 utvrđeno je da je imenovani dobio sljedeće bodove: 46, 30, 48, 50, 47.

Zbirno bodovanje izvršno je na Obrascu br. 2 po osnovu kojeg je utvrđeno da imenovani ima 221 bod.

(Obrazac br. 1 i Obrazac br. 2 su sastavni djelovi zapisnika 25. sjednice Komisije.)

Nakon pojedinačnog ocjenjivanja kandidata Mulalić Saida, na Obrascu br. 1 utvrđeno je da je imenovani dobio sljedeće bodove: 31, 43, 31, 13, 36.

Zbirno bodovanje izvršno je na Obrascu br. 2 po osnovu kojeg je utvrđeno da imenovani ima 154 boda.

(Obrazac br. 1 i Obrazac br. 2 su sastavni djelovi zapisnika 25. sjednice Komisije.)

Budući da je sastav Odbora propisan na način da isti čine tri člana od kojih je jedan član državni službenik kantonalnih organa uprave, a dva člana predstavnici građana od kojih je jedan predsjedavajući Odbora, Komisija je shodno članu 5. stav (6) Poslovnika utvrdila listu uspješnih kandidata koji su rangirani počevši od kandidata sa najviše ostvarenim bodovima, a u skladu sa sastavom Odbora te istu predlaže Skupštini radi konačnog imenovanja.


Agan Bunić, predsjedavajući komisije


Rasim Pajić, zamjenik predsjedavajućeg

Nisvet Jusić, član komisije

Vildana Alibabić, član komisije

Razim Halkić, član komisije

The image shows four handwritten signatures in blue ink, each written over a horizontal line. The signatures are cursive and somewhat stylized. The first signature is the largest and most prominent, followed by three smaller ones below it.



Na osnovu člana 67., 71. i 72. Zakona o unutrašnjim poslovima Unsko-sanskog kantona („Službeni glasnik Unsko-sanskog kantona“ broj: 13/16 i 16/17), člana 4. i 5. Pravilnika o uvjetima za imenovanje i razrješenje članova Odbora za žalbe javnosti („Službeni glasnik Unsko – sanskog kantona broj: 01/17) i člana 97. Poslovnika Skupštine Unsko-sanskog kantona („Službeni glasnik Unsko-sanskog kantona“ br. 9/17 i 11/21), na prijedlog Komisije za izbor i imenovanja i finansijsko-administrativna pitanja, na _____ sjednici održanoj _____.2021.godine, Skupština Unsko-sanskog kantona donosi

ODLUKU

Član 1.

Ovom Odlukom imenuju se predsjedavajući i članovi u Odbor za žalbe javnosti, utvrđuje mandat i pravo na naknadu.

Član 2.

U Odbor za žalbe javnosti imenuju se:

- a) Elvira Kulenović, predsjednica, iz reda građana
- b) Said Samardžić, član, iz reda građana
- c) Munira Alagić, član, iz reda državnih službenika kantonalnih organa uprave.

Član 3.

Mandat članova Odbora za žalbe javnosti traje četiri godine od dana imenovanja.

Član 4.

- (1) Licima iz člana 2. ove Odluke utvrđuje se naknada u iznosu od 50%, dok se licima iz Službe Skupštine koji obavljaju administrativne i tehničke poslove utvrđuje naknada u iznosu od 40% prosječne mjesečne plaće isplaćene prema zadnjem objavljenom podatku Zavoda za statistiku u Federaciji Bosne i Hercegovine.
- (2) Naknada se isplaćuje jednom mjesečno. Odbor može u toku mjeseca održati i više sjednica, bez prava na naknadu.

Član 5.

Ova Odluka stupa na snagu danom donošenja i objaviće se u „Službenom glasniku Unsko-sanskog kantona“.

Broj: 02/2-02-3- /21
_____.2021.godine
B i h a ć

Predsjedavajući Skupštine USK
Razim Halkić